



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

Հայաստանում բարձրագույն կրթությունը սկզբնավորվել է մ. թ. V դարում՝ գրեթե ստեղծումից հետո, երբ Մեսրոպ Մաշտոցը Վոսմշապուր թագավորի հովանավորությամբ Վաղարշապատում բաց է անում մայր վարժարան, որտեղ դասավանդում էր նաև Սահակ Պարթև կաթողիկոսը:

Այս վարժարանի օրինակով, ամբողջ միջնադարում, հոգևոր և աշխարհիկ իշխանությունների և ժողովրդի հոգածությամբ Հայաստանի տարբեր մասերում ցածրաստիճան դպրոցներից զատ գործում են բարձրագույն կրթօջախներ, որոնք կոչվում են վարդապետարաններ: Ժամանակին համընթաց հարստանում է ուսումնական ծրագիրը. աստվածաբանական, կրոնադավանաբանական, վկայաբանական առարկաների հետ դասավանդվում էին նաև աշխարհիկ յոթ ազատ արվեստները — քերականություն, ճարտասանություն, փիլիսոփայություն, թվաբանություն, երաժշտություն, երկրաչափություն, աստղաբաշխություն և հալոց տոմար, մատենագրություն, գրչություն, մանրանկարչության արվեստ և այլն:

Վարդապետարաններն անկախ էին իրենց գործունեության մեջ, որը նրանց հնարավորություն էր տալիս ինքնուրույն գործելու օտարամուտ գաղափարների դեմ և անհրաժեշտորեն պատրաստելու համապատասխան մասնագիտության տեղ անհատներ՝ քարոզիչ, ուսու-



Հերոնի վանքի ընդհանուր տեսքը

ցիչ, գրիչ, եկեղեցական գործիչ և այլն: Վաղարշապատից հետո աչքի ընկնող ուսումնական հաստատություններ են եղել Դվինի, Մաքենիսի, Սևանի, Տաթևի, Անիի, Սանահինի, Հաղբատի, Բջնիի, Նոր Գետիկի, Խորանաշատի, Հաղարծնի, Խոր-Վիրապի, Մշո Առաքելոց, ինչպես նաև Կիլիկիայի՝ Հոմկլայի, Ակուայի, Սսի, Ակների վարդապետարանները:

Մշո Առաքելոց վանքի վարդապետարանը Ներսես Մշեցու բաբունապետությամբ 1282 թ. հիմնավորվում է Վայոց ձորի Աղբերք վանքում և պարսպմունքները շարունակում Պոռշ Խաղբակյան և Սմբատ Օրբելյան հայրենասեր և ուսումնասեր իշխանների հունավորության ներքո:

Լինելով հունական և լատինական դպրությունների գիտակ և գնահատող, հիանալի իմանալով հայրենի դպրությունն ու պատմությունը, Ներսես բաբունապետը մշակում է վարդապետարանի այնպիսի ծրագիր, որն ընկած էր նաև Եվրոպական համալսարանների ուսուցման հիմքում: Դրա հմմար էլ Գլաձորը կոչվել է «Երկրորդ Աթենք», «իմաստության մայրաքաղաք», «մայր իմաստությունան»: Ներսես բաբունապետը աշակերտներին ժամանակի համար անհրաժեշտ կրթություն տալուց հետո ուղարկում էր գավառներ, ժողովրդի մեջ՝ նրան լուսավորելու, պաշտպանելու նրա շահերը, լեզուն, գիրը, հավատը, ազգային ավանդույթները, կենցաղը, ընտանիքը:

Նրա մահից հետո, 1284 թ. բաբունապետությունը ստանձնում է Եսայի Նչեցին: Հովանավոր իշխանների օժանդակությամբ նա ընդարձակում է դպրոցի հնարավորությունները և կարճ ժամանակ անց Գլաձորի հոշակը տարածվում է որպես համահայկական համալսարան, ուր սովորելու են գալիս նույնիսկ վարդապետական աստիճան ստացած մարդիկ նաև հեռավոր Կիլիկիայից:

Հայ մատենագրության մեջ պահպանված են այն առարկաների ցուցակները, որոնք դասավանդվում էին վարդապետարաններում, իսկ Գլաձորում ընթրօրինակված ձեռագրերում մենք հանդիպում ենք դրանցում նշված բոլոր գիտություններին և առարկաներին:

Նչեցին գավառներից ընտրում էր ուշիմ երեխաների, որոնց համար Գլաձորում բաց էր արել նաև քահանայական դասարան: Ավարտելուց հետո ոմանք շարունակում էին ուսումը, մյուսները գավառներ վերադառնում, որպես եկեղեցու սպասավորներ:

Հիտունչորս տարի Եսայի Նչեցին գլխավորեց Գլաձորի համալսարանը և երեք հարյուր վաթսուն շրջանավարտների վարդապետական գավազան տվեց: Նրանք սովորում էին 7 — 8 տարի, քննություն հանձնում անցած առարկաներից, մի աշխատություն ներկա-



Տաթևի վանական համալիրի ընդհանուր տեսքը

յացնում պաշտպանության: Քննություն ընդունում էր հանձնաժողովը, իսկ պատկառում էր «Հանուր Հայաստանեաց բաբունապետ» Եսայի Նչեցին:

«Նա չէ վարդապետ, որ շատ քան անգիր գիտե, այլ նա՛ ով մարտիր վարք ունի — ասում էր Նչեցին: — Մարտիր վարքը կյանքում մարդու հատակ գործունեությունն է, որի նպատակն է՝ «չքանդել հայրենի ցանկապատը, չարհամարհել նախահայրերի սամմանած կարգ ու կանոնը, ուսման միջոցով լուսավորել հայրենիքը, վերադառնալ գավառ, որ գավառը առանց վարդապետական ուսման չմնա»:

Բերանդանոսի «Պատմություն»-ի համառոտագրում
 Բերանդանոսի «Պատմություն»-ի համառոտագրում
 Եւ Յարեալ: ...

Ճեղքատուփն էր զոստիկանսն ինչ
 դերձեալ ենք բուռն հարկանել
 առաջիկա երրորդ թեմն ա: Նախ յոստ
 աւ նեղ արձանէ թեղին է բերանի
 Եւ երրորդ թեմն
 Նա թեմն ինչ արեւոյ յայ
 ար նեւ անդնէ բերանս թեմն: Եւ
 Կրորդ թեմն էր զբերանսն թեմն
 կոչել: Երրորդ յիջ եղև զառաջ
 այսմ արուեստի: Եւ զբերանսն
 հետս արուեստի: Եւ զբերանսն
 Եւ զբերանսն: Եւ զբերանսն
 էր արեւոյ յայ թեմն ճին կալեալ
 եղև ի վանք բերանսն թեմն: Եւ զբերանսն

«Ի ձեռնուփն էր զոստիկանսն ինչ
 բուռն հարկանել առաջիկա երրորդ թեմն: Նախ
 ուսանել արձան է, թէ զինչ է գերականութիւն,
 և երրորդ՝ կամ զինչ յայտնէ անուն գերակա-
 նութեան: Երրորդ, թէ վան էր գերականու-
 թիւն կոչի: Զորրորդ, ոչ եղև զառաջ այսմ
 արուեստի: Ընդ երրորդ, արձեստ զոլով սա, ու-
 նելով ենթակա և կատարուան զեղերորդ՝ եթէ
 էր աղագաւ: Բայց յանձին կալեալ եղև վան
 գերականութեան: Եւ զբերանսն: ... (չյաւելու-
 ինչ յետ այսորիկ, այլ սկիզբն առնէ մեկնու-
 թեան, Եւ արդ նախ եկեացուք, և այլն:

Իսկ ուղղագրեալ օրինակք ունին այսպէս.
 «Ի ձեռնուփն էր զոստիկանսն ինչ
 բուռն հարկանել առաջիկա երրորդ թեմն: Նախ
 ուսանել արձան է թէ զինչ է գերականութիւն,
 կամ զինչ յայտնէ անուն գերականութեան. և
 վան էր գրեալը գերել կոչի: Երրորդ՝ ոչ եղև
 զառաջ այսմ արուեստի: Զորրորդ՝ եթէ էր
 աղագաւ: Բայց յանձին կալեալ եղև վան գե-
 րականութեան: Եւ արդ նախ եկեացուք» և այլն:

Եսայի Նշեցու «Քերականության վերլուծության» ինքնագիրը

Եսայի Նշեցու մահից հետո 1338 թվականին համալսարանը
 Տիրատուր Կիլիկեցու ղեկավարությամբ տեղափոխվում է Հերմոնի
 վանք և շարունակում դասերը նույն ծրագրով:

Տիրատուրի մահից հետո քարունապետությունը ստանձնում է
 Հովհաննես Որոտնեցին և 1356 թ. համալսարանը տեղափոխում է
 հայրենի Ոստան գավառ: Այնտեղ այն գործում է քսանութ տարի,
 մինչև թուրքերի հալածանքները 1384 թ., և երկու տարի թափառու-
 լուց հետո հաստատվում Ապրակունիսում:



Յարեալ յայ թեմն ճին կալեալ
 Եւ զբերանսն
 Եւ զբերանսն

Հովհաննես Ռրոտնեցու մահից հետո (1386 թ.) նոր քարունայեռ Գրիգոր Տաթևացին ուսումնագիտական և դավանաբանական պայքարի եռանդուն գործունեություն է ծավալում լենկոստոյան աշխարհավեր արշավանքների ժամանակաշրջանում:

Ռրոտավանքի և Տաթևի շրջանավարտները ևս Գլաձորի սաների նման դասասացությունը զուգակցում էին միարարների և մահմեդականացման դեմ եռանդուն պայքարին, գրում, խմբագրում էին եկեղեցական ժողովածուներ, որոնց մեջ գետնդրում էին հատվածներ Ագաթանգեղոսի, Կորյունի, Մովսես Խորենացու, Եղիշեի, Ղազար Փարպեցու և այլ պատմիչների հայրենասիրական գործերից: Ծարսդրում և Հայսմավուրք էին մտծում ազգային սովորությունների, հավատի, ընտանիքի, լեզվի համար նախատակվածների պատմությունները՝ եկեղեցում ժամասացության ժամանակ ընթերցելու համար:

Տաթևացու պատգամը կատարելով (նա մահացավ 1410 թ.), նրա աշակերտները Թովմա Մեծոփեցի և Հովհաննես Հերմոնեցի քարունապետերի ջանքերով 1441 թ. կաթողիկոսարանը Կիլիկիայի Սիս մայրաքաղաքից տեղափոխվեց իր ավանդական աթոռանիստը՝ Վաղարշապատ, ս. Էջմիածին:

Միջնադարյան հայ դպրոցները հետագայում շարունակեցին ուսումնակրթական, լուսավորչական իրենց գործունեությունը և նախնիների ավանդներին հավատարիմ մնալու համար իրենց պայքարը՝ օգտագործելով Հայոց համալսարանի շուրջ հարյուր հիսունամյա փորձը և մատենագրական վիթխարի ժառանգությունը, որը ստեղծվել էր մայր համալսարանի և դուստր դպրոցների սաների ու քարունապետերի ջանքերով: Դրանք պատմության, լեզվի և գրչության արվեստի դասավանդման, փիլիսոփայական, գեղարվեստական գրականության, արվեստի վերաբերյալ գործեր են, վարքեր-վկայաբանություններ, դավանաբանության, աստվածաբանության, բնական գիտություններին վերաբերող շարադրանքներ և մեկնություններ, որոնք օգտագործվել են որպես դասագրքեր: Նրանք թողել են

Հովհան Ռրոտնեցի և Գրիգոր Տաթևացի





եկեղեցածիսական ժողովածուների խմբագրություններ և սրբագրություններ (Հայսմավուրք, Տոնական, Գանձարան, Մաշտոց, Աղոթագիրք), կատարել են հազարավոր ձեռագրերի ընդօրինակություններ, որոնք իրենց մեջ ամբարում են գիտության տարբեր բնագավառի վերաբերյալ թարգմանական և հայ հեղինակների ստեղծագործություններ:

Հարյուր հիսուն տարի և նրանից հետո միջնադարյան Հայաստանը զգացել է համալսարանականների գործող ու նորոգող կենսունակ ոգին, որն իր ժողովրդի ստեղծագործելու, կառուցելու, նորոգելու և նորոգվելու հավերժական ոգու դրսևորումներից մեկն է:

Տակավին վերջերս՝ 1984 թ., միջազգային մասշտաբով և Հայկական ՍՍՀ կառավարության որոշմամբ Երևանում մեծ շուքով նըշվեց Գլաձորի համալսարանի 700-ամյա հոբելյանը: Այդ առիթով Հայկական ՍՍՀ Մինիստրների խորհրդին առընթեր պատմության և կուլտուրայի հուշարձանների պահպանության ու օգտագործման վարչությունը վերականգնեց ու բարեկարգեց Եղեգնաձորի շրջանի մի շարք հուշարձանները, իսկ շրջանի Վերնաշեն գյուղի եկեղեցում բացեց հայկական ուսումնագիտական մտքին և հատկապես Գլաձորի համալսարանին նվիրված թանգարան:

Գլաձորի համալսարանի մանրանկարիչ Թորոս Տարոնացի (ձեռագիր № 353)

ԱՐՏԱՇԵՍ ՄԻՄՈՆԻ ՄԱԹԵՎՈՍՅԱՆ
ԳԼԱԶՈՐՅԱՆ ՀԱՄԱԼՍԱՐԱՆ
Երևան «Հայաստան» 1987

АРТАШЕС СИМОНОВИЧ МАТЕВОСЯН
ГЛАДЗОРСКИЙ УНИВЕРСИТЕТ

(На армянском языке)
Ереван «Айастан», 1987 г.

Խմբագիր՝ **Ա. Ս. Ոսկանյան**
Նկարիչ՝ **Լ. Խ. Խաչատրյան**
Տեխն. խմբագիր՝ **Յ. Սարգսյան**
Վերստուգող սրբագրիչ՝ **Ս. Վ. Խաչատրյան**

Մ $\frac{4902020000}{701(01)86}$ — պատվեր

© ՀՍՍՀ ՄԻՆԻՍՏՐՆԵՐԻ ԽՈՐՀՐԳԻՆ ԱՌԸՆԹԵՐ ՊԱՏՄՈՒԹՅԱՆ
ԵՎ ԿՈՒԼՏՈՒՐԱՅԻ ՀՈՒՇԱՐՁԱՆՆԵՐԻ ՊԱՀՊԱՆՈՒԹՅԱՆ ԵՎ
ՕԳՏԱԳՈՐԾՄԱՆ ԳԼԽԱՎՈՐ ՎԱՐՉՈՒԹՅՈՒՆ

24

ՎՖ 01154: Տպարանակ՝ 10000, պատվեր՝ 5182: Գինը՝ 15 կոպ.:
Ֆորմատ՝ 70×108 ¹/₃₂: 0,52 պայմ. տպ. մամ., 0,48 հրատ. մամ.:

«Հայաստան» հրատարակչություն, Երևան—9, Իսահակյան 28

Издательство «Айастан» Ереван — 9, ул. Исаакяна 28

ԳՈՒՆԱՎՈՐ ՏՊԱԳՐՈՒԹՅԱՆ ՏՊԱՐԱՆ
Երևան — 82, Ադմիրալ Իսակովի պող. 48:

ТИПОГРАФИЯ ЦВЕТНОЙ ПЕЧАТИ

Ереван — 82, пр. Адмирала Исакова, 48.